

罪對分明並了了 俱出生死上仙廬
海空真士大慈故 為我等輩請大師
利益眾生普圓滿 三界魔王滅无期
諸天玉女來讚歎 寶臺山現奇特相
香花遍滿空虛落 時衆人天並恭敬
倏忽身登九重天 頂禮長樂玄都師
俯觀下土衆生城 咸願海空寶藏地
普受若人若非人
爾時上真童子說偈讚已長跪稽首白天尊
言大哀天尊為我等故返神无常說法无我
為无我故而說有我以有故有常无常有樂
无樂有生无生有主无主有空无空以是因
緣付囑法王紹統衆生令不懈怠勸令衆生
求未來惠宣弘一乘海空智藏我等思惟大
哀天尊不生而生生无法住不死而死死无
法滅為我等故而有生滅為我等故而有返
神入海空藏安住長樂不思議地爾時
天尊聞此說已發微妙音讚童子言善男子
汝等智慧甚勝於我堪任法王紹統衆生令
住安樂海空城中成就衆生智慧之源汝等

且待須臾之頃自當見我說是語已忽然不
見坐空无主四眾咸淚極目四視不能見已
舉首仰天啼哭苦哉我等孤露失法宗本无
依无止猶如初生赤子失大慈母絕於壯齒
大哀天尊我今亦爾失大哀尊絕於法乳亦
復如是爾時四眾聞說是已各共彈指奉辭
而退

太上—乘海空智藏經卷之十

高上玉皇本行集經卷上

清微天宮神通品第一

五二

爾時元始天尊在清微天中玉京金闕七寶
玄苑玉皇宮殿昇光明座與無數眾宣說
靈寶清淨真一不二法門是時玉皇尊帝與
諸真聖飛天大聖無極神王靈童玉女九千
萬人清齋建節侍在側焉子時玉帝知時欲
至即於會前舉六通力放大光明徧照諸天
無極梵剎一切境界皆大震動十方無極一
切世界俱同琉璃瓊瑤無有隔礙十方來來
並乘五色瓊輪與碧輦九色玄龍十絕羽
蓋麟舞鳳唱嘯歌也靈妃散花金童揚煙
讚詠洞章浮空而來是時梵天一切金仙大
乘菩薩四眾八部冰斯光照霄乘金碧九霄
流景飛雲玉輿慶霄四會三辰吐芳飛香八
溱旋繞道前雨眾妙花如雲而下徧覆會前
是時其光徧照諸天下燭下方無極世界同
玄都境凡彼人間上近九天通接交連至親
至邇凡彼下方無極世界山陵坡坂溝澗溪
谷緬平如掌六合至邇三境非遙天寶靈殿

星羅人間瓊瑰羅列朗耀雲衢七寶欄楯以
界道路玉樹仙花清燦珠實景秀丹田芝草
綿覆時彼下方皆見諸天鈞天妙樂隨光旋
轉自然振響又復皆見鸞鳴鳳唱飛鳴應節
龍戲麟盤翔舞天端諸天寶花零亂散落編

滿道路是時凡聖駭異幽暗開光天人悅慶
踊躍懽忻凡夫學士盡得飛昇仰觀劫初寶
臺俯眺紫雲彌羅是諸世界一切人民咸臻
道炁白首面皺皆得化度紺髮朱顏少壯幼
稚轉得形容光澤美好苦惱瘥平普蒙解脫
安樂快然天下歌謠欣國太平當爾之時神
風遊著萬蒸揚洋天震地裂枯骨更生沈尸
飛魄皆起復形艷都鐵圍長夜九幽即時破
壞地獄苦現化生諸天三惡道苦一時解脫
時諸罪輩以斯光力得生十方諸大天宮爾
時玉皇即分其身徧於十方諸大天宮令諸
天宮自然化現白玉為京黃金為闕七寶玄
苑大光明殿具尤明座幢節攝蓋異寶奇花
徧布是處爾時玉皇即以所分之身徧於是
處白玉京中黃金闕內七寶玄苑大光明殿

光明座上普為十方演說清淨解脫之道時
化玉帝各以無量天真大聖妙行真人靈妃
玉女侍列左右是諸玉女顏容殊妙端麗奇
特天珍異寶莊嚴身相言音清徹眾所樂聞
如是諸女其身復出微妙解脫自然之香是

香芬覆周徧諸天極妙樂土及諸大地一切
福處六道一切眾生聞是香者普蒙開度所
謂天道人道魔道地獄道餓鬼道畜生道若
諸天道一切天人或有能聞是此香者玉皇
四相永得除滅轉增天福若諸人道王臣兆
庶或有能聞是此香者即得人天長壽之樂
身或滅度乃得脫殼尸解之道若諸魔道一
切諸魔或有能聞是此香者安處天宮關戰
之苦各得休息若諸地獄道一切眾生或有
能聞是此香者離地獄苦得淨土樂若諸餓
鬼道一切餓鬼等或有能聞是此香者即得
飽滿無飢渴惱若諸畜生道一切畜生或有
能聞是此香者脫畜生苦得智慧樂爾時諸
生天罪眾既得生是勝天宮已緣承慈光攝
受之故使得覺悟各各明了罪福因緣與諸

眷屬作天伎樂來詣帝前是諸眾等各各合
悲俱發聲音前後經千劫萬劫不見三光常
處黑暗三惡道中多受苦惱伏蒙玉帝方便
放光照救我等皆生天上是諸惡業悉皆滅
盡無諸繫滯皆得往生仰朝玉帝各到道場
是諸生天一切罪眾說是語已稽首復位爾

時玉帝出大妙音普告十方諸天聖眾汝等
諦聽此諸罪輩曠劫以來縱無明性造十惡
業六塵徧染三業蒙纏肆任意心會無覺悟
陰罪陽過日積月深背道違真順邪棄正舉
心運念動結愆尤遂使命過之後身落三塗
不得解脫若非今日遇是法筵何由出離爾
時諸天化身玉帝即以神通不動其所移接
天人皆令得至清微天宮玉清聖境元始會
下是諸眾等不覺不知是時天尊眾會見是
十方玉帝化身普皆來集天尊會前如無邊
明鏡照諸影像互相容入時諸大眾稽首瞻
仰玉帝化身聖中最尊增長清信益加志樂
心無退轉起大堅固時諸天人遁得生天忽
觀天尊勝會道場清淨第一無為功德之所

莊嚴踴躍歡喜一時作禮歎未曾有爾時十方諸化玉帝俱復一體從法座起北向長跪天專言曰往昔去世有國名號光嚴妙樂其國王者名曰淨德時王有后名寶月光其王無嗣嘗因一日作是思惟我今將老而無太子身或崩歿社稷九廟委付何人作是念已即便敕下詔諸道東於諸宮殿依諸科教懸諸幡蓋清淨嚴潔廣陳供養六時行道徧禱真聖已經半載不違初心忽夜寶月光皇后夢太上道君與諸至真金安玉質清淨之儔駕五色龍輿擁羅景旌陰明霞蓋是時

太上道君安坐龍輿抱一嬰兒身諸毛孔放百億光照諸宮殿作百寶色幢節前道淨空而來是時皇后心生歡喜恭敬接禮長跪道前白

道君言今王無嗣願乞此子為社稷主伏願慈悲哀惠聽許爾時

道君答皇后言願特賜汝是時皇后禮謝道君而乃收之皇后收已便從夢歸覺而有孕懷胎一年于丙午歲正月九日午時誕于

王宮當生之時身寶光餽充滿王國色相妙好觀者無厭幼而敏慧長而慈仁于其國中所有庫藏一切財寶盡將散施窮乏困苦鰥寡孤獨無所依怙飢饉瘡殘一切眾生仁愛和遜歌謠有道化及遐方天下仰從歸仁太子父王加慶當爾之後王忽告崩太子治政

俯念浮生告敕大臣嗣位有道遂捨其國於普明香巖山中修道功成超度過是劫已歷八百劫身常捨其國為羣生故割愛學道於此後經八百劫行藥治病拯救眾生令其安樂此劫盡已又歷八百劫廣行方便啓諸道藏演說靈臺校宣正化敷揚神功助國救人自幽及顯過此已後再歷八百劫亡身殞命行忍辱故捨已血肉如是修行三千二百劫始證金仙號曰清淨自然覺王如來教諸善薩頓悟大乘正宗漸入虛無妙道如是修行

又經億劫始證玉帝說是語已法筵清眾異口同聲歎未曾有爾時眾中有一玉女名曰夜光從座而起嚴整衣冠從容雅步長跪道前白

天專言臣宿昔何幸仰侍御前親奉供養已經億劫三清境界金闕玉京寂淡逍遙快樂自在嬉遊聖域餐聽法音未曾見此希有之事不審向來光內所現十方諸天變現聖境皆有玉帝應化法身天真大聖妙行真人靈妃玉女以為侍衛是諸玉女相貌端嚴形體

殊妙出眾妙香無與等者復蒙玉帝神通移接今皆普集在清微天未審今此玉女以何因緣得證如是無上色身思惟聖慈示以未悟爾時

天專謂夜光玉女言汝固初入聖流雖有智慧未能明了此諸玉女乃自往昔無量劫中修諸妙行具解脫門同清淨信同清淨解同清淨念同清淨行同清淨身同清淨心同清淨意同清淨果同清淨報同大慈心同大悲心覆護眾生如母撫念愛於赤子奉戒專一冥心大道清齋私善千萬劫中專奉玉帝此諸玉女非實是女皆天至真為度羣生現玉女身是故身色神通智慧隱顯變化與帝同焉爾時夜光聞是說已心得開悟稽首歡喜

默然復位爾時高虛清明天主與諸天眷屬
馭八景鸞與隆九光寶蓋奏玄歌妙樂誦無
量洞章散天寶花噴天真香飛步遊空來詣
道前承

天尊主帝威神之力是諸寶花即於空中化
一寶蓋蔭覆大眾無不周徧是時高虛清明
天主見此希有稽首長跪白
天尊主帝言賤臣懈怠後會法筵今日吉慶
興此法橋幽顯聖凡普霑

聖澤放太光明現希有相上照諸天四梵六
慾一切樂土諸真聖眾觀此光明悉皆雲集
下照下方無極世界同玄都境近接九天靈
風奏樂宮商相和激朗雲庭宵成洞章一切
眾生成臻道化鄴都鐵圍長夜九幽一切地
獄受苦眾生盡承光力皆主諸天得受快樂
今日所散天寶奇花旋結成蓋徧覆大眾盡
承斯光威神之力臣等千劫良因九天運會
皇道蕩蕩正法興隆今日大吉威仰玄功是
時高虛清明天主以偈讚玉帝曰
金闕玄宮主 高上玉皇尊 妙相冠諸天

慈光燭三界 眞聖妙道師 天人依仗師
大乘垂法語 眞一指迷途 功德若虛空
讚揚無窮盡

是穹蒼主浩劫之尊妙見妙知無等無倫湛
寂眞靜香亡香存上聖上靈大神道光明藏
大丈夫開化人天教道無窮大慈大悲流煥
法輪爲度羣生是號玉皇宮蒼眞老妙圓清
淨智慧辯才至道至尊開度眾生故放是光
爾時高虛清明天主說偈讚歎已
天尊普告四眾云是帝身即道身也非常體
也是無量功德之身是清淨自然之身是神
明堅固不壞眞空無上法身感靈快廓名聲
周徧無幽不開神奇堂堂難可稱焉是帝非
有爲功德之所熏修而帝昔雖下生人間多
劫行化示大神通而身清淨未嘗不在金闕
分身變化應現隨方利濟羣生超昇道岸普
垂教法開悟後人依按奉行登眞成道以斯
功德之所莊嚴是故光明常充諸天神智妙
達莫可度量是身光明皆具妙號所謂大神
道光太慈慈光大喜捨光大忍辱光大平等

至尊八前稽首作禮俱欲願聞
天尊言曰斷障之法當生大慈無起疑惑無
起貪嗔無起淫慾無起嫉妬無起殺害無起
凡情無起凡思無起昏垢無起聲色無起是
非無起憎愛無起分別無起高慢無起執著
疑神澄慮萬神調伏心若太虛內外貞白無
所不容無所不納無令外邪亂其至道牽失
眞宗敗其靈根盜其至寶致爾萬劫永墮凡
流透入俗網萬魔來攻百千萬劫不聞妙法
鬼神執誅從生入死是故汝等應當志心善
護眞宗無令喪失如前所說如是諸障障等
各各當除斷之身得清淨超度諸難是名道

光大柔和光大自在光大利益光大如意光
大智慧光大吉祥光大解脫光大歸依光大
功德光大圓滿光大無礙光無能勝光是故
汝等欲見是帝乃不可得者緣以汝等尚於
身口不捨結習煩惱行業由是障故不能得
觀是帝慈顏吾今爲汝時會眾等宣示斷障
之法汝等大衆宜各奉行時請大衆不勝喜
躍各於

寶持法棟梁更當修奉是此經典如近是帝
生尊重心注想專容稱揚專統然後汝等得
親慈顏威蒙護度普聞妙法親奉供養永無
流轉是時四眾聞已歡喜歎未曾有

高上玉皇本行集經卷上

九

高上玉皇本行集經卷中

太上大光明圓滿大神呪品第二

爾時天地始祖五老上帝稽首長跪白
天尊言伏聞高上玉皇慈念蒼生普放神光
照燭法界六凡四聖普叨道蔭竊以凡夫短
景劫運將終正道宜行以濟兆民使修真之
子有期輕舉末代蒸民俱獲壽考自昔元始
洞玄靈寶赤書玉篇真文生於元始之先空
洞之中天地未根日月未光幽冥冥無祖
無宗無氣無象無色無名無形無緒無音無
聲混沌太無靈文卷萬乍存乍亡二儀待之
以分太陽待之以明靈圖運玄象推運來
機應會於是存焉玉帝授臣靈寶秘篆大不
可思議神呪故天地得之而分判三景待之
而發光靈文鬱秀洞映上清發乎始音之天
而色無定方支勢曲折不可專詳元始鍊之
於洞陽之館治之於流火之庭解其正文瑩
發光芒洞陽悉赤故號赤書靈圖既煥焉帝
朝真飛空步虛旋行上宮燒香散花口誦靈
章是時天降十二玄瑞地發二十四應上慶

五三

九天之靈與讚三天之寶明神風既鼓皇道
威暢元始登命太真按筆玉妃拂筵鑄金為
簡刺書玉篇五老掌錄秘於九天靈都之館
玉女典香太華執中玉童侍衛玉陛朝軒九
天上書非鬼神所聞故天寶之以致浮地祕
之以致安五帝掌之以得鎮三光乘之以高
明上聖奉之以致神高尊賞之以致真五嶽
從之以得靈天子得之以致治國祚享之以
太平實靈文之妙德乃天地之玄根感靈快
厥音加無窮蕩蕩大化為神明之宗其量莫
測巍巍乎太空明真有格今當以行是時
元始革運玄象開圖靈文鬱秀神表五方分
判天地開化萬靈此太宗之業可得暫披於
靈輶乎今皇道敷暢澤被十方仰觀劫運真
風宜行臣私心實欲使雲陸八遐風灑蘭林
寒條仰希華陽之繁朽散蒙受靈瀆之津仰
對元慈下伸丹懇惟願哀憫俯念蒼生不審
靈寶玉篇真文可得見授下教於未聞者乎
於是
元始天尊撫几高抗疑真遐想觀時已至普